

圭齋遺稿

文惠文清若文獻奕世爲詞宗南氏三太史是邦于
明濬其源而揚其波屹然世其聲而泥于斯道不克
辭故悉歸極其所至而止焉惜也然以其所自命而
究之殆猶淵淵而淵淵淵淵淵淵淵淵淵淵淵淵
與濬而亦不失宋傳萬會其來其明之職其以
經博之工於書無所不讀無所不誌其爲學不以
而解郡藩簿領之委其文或與領之要則事應然已
無從非與必官會必求分乎情妙論之時也其
其謂而不考其自而不其其其其其其其其其其
其其其其其其其其其其其其其其其其其其其

文憲文清若文獻奕世爲詞宗南氏三太史是耳子
明濬其源而揚其波屹然世其聲顧隕于短造不克
奔放宏肆極其所至而止焉惜也然以其所自命而
究之殆掄滌鉤錄循襲陋習孤行獨詣壹於古之人
與稽而亦不失家傳高曾規架蓋其清明之識劬以
綜博之工於書旣無所不讀無所不記且無所不悟
而解郡藩簿領之委集文武典領之要劇事應旣已
無往非冥心宵會必求合乎前脩妙詮之時也以故
寧訥而不夸寧簡而不繁寧臞而不膩寧峭嶮而不
澶漫此其大權也而詩與文僅非類似影掠所扮飾

後之讀斯卷者當有以味之也子明蚤歲蜚英日月
騫翔遂復受知明主夙夜靖共佔畢探討欲少隙
矣而闇然之美有如此者由是觀之患志不踣不患
無暇給士之慢且嬉諉之以有所奪者宜於子明乎
取而法之也夫衰落弇陋莫余若也文墨論說所輸
寫居又閑閑交時茲爲暮年一樂事也而今其道山
之遊煙霜載禪寂寥玄晏之役詎有以塞後死者悲
也嗚呼

上之元年甲子季秋楊州趙斗淳譔

粵在我 憲宗丙午秋圖寫 御真 命閣臣監董
南公主齋及賤臣與焉而 上廣開求書之路四部
咸聚內府翌年春復 命吾二臣同修書日時余已
垂老而圭齋方少年簡靜自持寡笑與言然對余則
披竭無隱詡以知心中是習於公者深盖以絕異之
才嗜書籍若渴飲飢食博極而強記惟於詞章不數
數然以爲有大於此者存焉耳故其存藁卷帙不富
館閣之製應酬之作尤非其至者三政議推步續解
跋經說數三條畧見其經濟問學之槩爲文達於辭
切於事情道其所欲言而止援据賅暢剪裁明淨詩

主陶冶性靈纏綿清楚有感動人處當求之於中國
名家非熏染東人習氣者所可跂及諸公論之詳矣
一生用力專於治經沉潛思索悟解超妙至艱奧輻
輳人所置而不問者築底反覆渙然而後已嘗謂古
今箋注各成其是紛如聚訟而算數亦經中一事堯
典曆象春秋日食可推而知且測驗於今七政行度
合則是不合則不是得失立辨失者自詘乃先從事
於此著有儀器輯說海鏡細艸解推步續解三種書
窮神入微得未曾有亟稱江慎修數學爲近世第一
以其不設中西門戶之見惟實事之求是也江氏言

著述有三難淹博難識斷難精審難此曾子難者不
辟易者不從惟義所在之義也公於羣經用是爲例
訓詁制度攷覈同異而辨正之毋至瑣屑繞繳義理
則務歸平實不必高談性命會粹諸家之說捨短取
長斷以己意將次第撰輯而成書年壽限之竟不及
就嗟乎惜哉後之人勿謂詩文可盡公蘊抱知其研
究經旨一如算數之精審則幾矣憶與公出入 邇
密托以身後事恍若隔晨瞻望 景陵宰樹鬱然長
大圭齋之墓草亦宿矣泣弓之淚未乾而忍又泚筆
爲公序遺編白首不死此何人斯吁可悲也

甲子秋七月旬有三日摘文舊僚帶方尹定鉉書

昔蔡伯喈歿孔北海引虎賁士與坐曰雖無老成人
尙有典刑以虎賁刑似於伯喈也不佞嘗三復是言
竊有感於存歿相愛之深也圭齋太史觀化之翌年
公之遺集成噫君子之道德行其神明也文章其形
貌也卽是集而求公靈臺丹青藻業偉脩之遺則神
明所寓不翅老成典刑貌似與感而止豈非後死者
之幸歟公於文學性也自少芻豢於墳典竹素自然
味道晚益蒐獵凡百家九流之支離覆逾靡不究肆
蘊之爲識淵而穎發以見辭達而瞻據崢嶸臨泓躋泛
俱宜雖專門名家無以難之盖公精探其所繇造者

有如是始癖於詩旣而曰文章之事不止於詩士之事不止於文章遂廢之人有以文乞多不應殆黃河笑清而有必粒粒成丹其靡麗宏博旁引廣喻卒澤於雅如司馬相如之神化中來而著述吟哦之間不欲處前人廊廡下自長一格公謙牧人也豈文人業自好負氣已乎寔公志邁才超不期勉而得醇厚天成也惜乎有藁輒棄無巾衍素蓄公之季尙書君廣搜得知舊間唱酬斷爛之餘及公車撰述哀成若干卷今其存者特龍鳳之一鱗毛耳尙書君以不佞於公有麗澤之舊授簡余綴其大都俾壽其傳嗚呼公

與不佞議合而業相似殆古昔所稱同志同傳之交
後先文苑迭主詞盟惟黼黻華國討論潤色蔚然爲
當世宗匠則輸與公上游十駕而莫之追也妄欲效
操觚之役弁公之卷者多見其塵昧鍊鏡韜翳本美
雖然於文章性相近也後之觀者將以虎賁刑似求
老成典刑於斯歟至若公天殖德行之茂不佞嘗粗
悉於誌公之墓不必贅焉也歟

永嘉金炳學序

其理亦係釋教正引公認無異之說

甲子秋屏居湖上端憂多暇南惠泉尙書抵示其伯氏圭齋太史詩文若干編曰願得一言而弁茲卷吾所以取君一言與君不惜一言於茲卷者於後死責庶幾乎噫自余之托交於太史今且三十有餘年窮事更變顛毛董董惟一段冥契炯若相照矚然無滓匪訐可基彌誦乃伸同榮槁一終始不自知其所由然其於覲光慕義亦已久且深矣余嘗求古操觚握槩卓然以作家自命者劇心鉢日反局於搏虎試象筆騰墨飛易涉於鱸吐鰲擲遂至澔汗而不收恢詭而不返非吾所謂文也公濡染於文憲文清之家風

議名理血禪光胚積厚流長尋墜緒於階庭之間重
以涉獵賅淹悟解精深發之爲文辭要而旨達言立
而理具土苴纖穠糠粃枝蔓敦厚潔精爲體裁春容
典麗以修飾洵乎昭代之大雅華國之高才也蜚英
舒翹位遇赫舄而守之以謹畏九軌爭奔門第如市
而處之以恬約公退家居泊然若無事靜默看書日
光炳炳透出紙背遇獨造妙契處輒研朱圈批朗然
一誦其品行之清高識慮之超詣盖天得然已尤邃
於周髀星歷之書鉤玄發秘透得時人講不究者而
劈破古人見不到處匠心用工之專且篤有如此焉

此卷乃五色之一羽全鼎之一鸞其可讀而可傳必
信無疑又多乎哉惜乎天嗇其年不能究其所展施
乃欲求典刑於寥寥數編之中而風流文采邈若山
河威明絕鶚之悲竊有感於是書也公嘗謂余曰曉
夢與子遊海上峰巒奇秀樓閣縹緲撒手相羊賦詩
爲樂覺而忘之獨記吾一聯曰豈有文章鳴國盛且
將鍾鼓謝時喧甚異也嗚呼是豈歐陽公所夢神清
之洞歟吾聞慧業文人成佛生天昔者之夢信而有
徵歟今摘句不載書以補之東陽申錫禧書

此乃人功所成也其法甚多不可盡述

其法一曰用磁石入水內其石即沉

此乃磁石之性也其法二曰用磁石

入水內其石即沉此乃磁石之性也

其法三曰用磁石入水內其石即沉

此乃磁石之性也其法四曰用磁石

入水內其石即沉此乃磁石之性也

其法五曰用磁石入水內其石即沉

此乃磁石之性也其法六曰用磁石

圭齋太史詩文雜著共若干卷公弟元裳尙書蒐集中衍遺草而得之付諸剞劂公之爲文僅止此已乎嗚呼何其少也亭林先生曰文不關於經術政理之大不足爲也公與余盖嘗深服斯言顧余魯鈍汗漫其於文字之業無所成就而若公則以絕異之姿通明之識經緯經史貫穿百家其發爲文章必有至足而不能自閔者今存稿副本乃不過尋常應酬之作草草如此豈非公之立志不欲詞翰自命而有所不屑者乎自唐宋以來爲史傳者有文苑儒林之別誠以文章名家著述傳世其致有不同也夫沉潛義理

縷分毫析有以羽翼經傳啓發後學又或講求治理
修明禮樂有以尊王黜霸爲法後人以至詰戎課農
測天括地之類非學有根柢專心爲經世之大業者
不能也夫君子之於學也其游藝擇術亦各因其志
之所存才之所長而已公與余其嗜好趣尙靡有不
同是以竊自以爲知公深者莫余若也惟此寂寥數
卷何足以見公之志之所存才之所長乎公嘗與余
言古來治經之家如康成諸儒多閒居專功不爲仕
宦所奪若杜元凱則戎馬之間不輟箋註著書如鄭
漁仲馬貴與諸人亦皆不縻爵祿優游自得若杜君

卿王伯厚鴻典鉅編在其翱翔廊廟之日以此言之
吾輩但患無其志不患無其暇耳公之篤志邁往有
如是矣今其經史商訂之跡徒見丹黃塗乙宛如昨
日而天乃不假之年壽豈所謂命耶記歲庚戌余晤
公湖南公在藩司奉 景陵諱經年尙未歸也相對
流涕道 先朝舊恩余與公約買田洊水間卜居結
鄰扁舟載書日與往還其樂可敵百年而載之空言
者亦可就幾厨書矣公喜甚然顧余亦卒卒未遑且
俱戀眷 明時此計晚晚而今余握筆爲公遺集之
序不亦悲哉公中年所輯有海鏡細艸解推步續解

儀器輯說諸書余向在燕都與太原王軒霞舉遊知其留心算數今舉而贈之霞舉必服其精詣而壽其傳矣潘南朴珪壽書

儒者有詩古文之學有箋註之學有經濟之學旁及
星曆算數之學是謂之通儒然其兼而貫之蓋亦千
百無一人間有聰明特達之士殫見洽聞纂言屬辭
以圖不朽之業而仕宦以撓之年壽以限之齋志而
未遂者亦多此終古賢哲之所共悲也余友圭齋南
文貞公天姿如玉壺秋水湛然虛靜物來而自照觸
境而俱悟未嘗俛首屑屑於詞章抒懷記事之作率
多漫應而強副然筆下無一點塵寧槁毋腴寧澀毋
利一洗東俗膚淺之氣公於詩古文之學有如此菑
畚經術網羅義疏高談性命流於語錄者病之專尙

詰訓泥於攷證者厭之不立漢宋門戶抉幽探蹟惟
實事是求公於箋註之學有如此燕居焚香泊然若
無事聞四方民憂恤恤不樂博綜漁仲貴與之書詳
酌古今著三政議公於經濟之學有如此日躔月離
交食之法勾股明車之解發明江慎修李敬齋之未
備而洞究淵微獨臻其妙別著推步海鏡諸書公於
星算之學有如此則謂公以通儒可乎在安岳郡治
禮記手鈔口誦於簿領雲委之中被景陵不世之
遇帷幄密勿夜分乃罷歸輒剪燭讀尚書厥明入朝
默念至公門而止掌司馬冢宰日賓客甚盛眼光常

注於左氏傳用丹黃三定句讀是知公不以仕宦撓之矣公嘗語余曰昔聖人五十學易猶發加年之歎我輩齒漸衰曷不述三絕之教乎荀虞已下各主卦變求合於諸卦而終有所不合難爲六十四卦之通例不若以反對釋彖傳是卦變可廢也春秋筮法或以爲雜占然易之用在九六是爻變不可廢也由是覃思研精將以贊廣大悉備之道書未成而公卒去五十尙不及其三嗚呼竟以年壽限之矣公弟尙書君哀輯遺藁零金片玉流傳人間追惟臘梅滿屋時鐘自鳴清坐論易英音猶在耳不覺涕汪汪下今而

後如公其人者無有乎爾如公其學者無有乎爾悲
夫光山金尙鉉謹敘

圭齋遺藁總目

卷一

詩

卷二

詩

卷三

疏啓

卷四

議

應製文

祭文

碑銘

序

卷五

記

跋

書後

銘

說

卷六

讀書私記

圭齋遺藁卷一目錄

詩

菊

病中寄洪藹士

祐吉二首

和人二首

夏日偶吟

題黃山內舅畫石三首

又題黃山內舅畫石

水仙花四首

趙凡夫熙龍贈墨蘭答以長句

秋日直中

題小照二首

寓形

直中

夏日直中思家二首

翰苑直中吟寄洪荷人燮周

訪徐君麟燠七寶幽居

蕩春臺送釋大演之香山

訪李東樊

晚用

山舍

蜘蛛詩二首

呈綾山老人

具行遠

二首

夜吟

畫石

藹士寄示一律因次其韻又得一詩并呈

秋夜與荷人共吟

念行人

與藹士荷人郊行探春二首

卽事

閒居雜咏二首

曉起

藹士責以有往無來詩以代謝

咏蟬

春日漫吟

白蓮社與洪芍玉

鍾應

春湖

鍾序

兄弟金荅溪

大根

洪醉裘

在赫

作

玉壺夏坐集二十二首

李仲山之衡適來玉壺二首

寄春湖

又寄春湖二首

玉壺感懷六言雜絕五首

卽事十二首同安伯生必期

懷人詩三十二首

夏宵獨坐

洪荷人夜至

梳髮見白二首

釋大演自妙香來僦金仙菴貽書邀我適有事

未赴

贈鄭壽銅芝潤二首

與仲山得衣字

過斗溪丁酉山所居

贈丁子園

東樊貽書斗湖酒姬姬是舊教坊女也以一律

戲之

夏五寄東樊

次韻蓮史見示

復寄一詩

華城奉命之役乘小車石路甚險不平

與荷人仲山伯生訪城北宋氏家

宋氏家夜與釋大演共賦

祈雨社稷

觀碁二首

盆蕙三首

聞趙凡夫近日常閉戶磨墨寄詩乞畫

圭齋遺藁卷一

宜寧 南秉哲 子明

詩

菊

數椽板屋一圈籬因病偷閒學畫師
秋後家添新眷屬白黃山菊兩三枝

病中寄洪藹士

祐吉

二首

屈指相離十日加手封書札問無蛇
病起只看餘綠葉君家或有未開花

牕紙新油日脚紅瓶花半老落無風
今年不識三春

三才遺集 卷一
惱僥倖經過病臥中

和人二首

楊花滿地掩重門
衫袖猶看舊酒痕
一自春歸芳草在
人間容易得黃昏

夕陽斜在柳邊扉
陌上人歌緩緩歸
君去幾時芳草遍
儂家三月杏花飛

夏日偶吟

雨聲終日掩柴門
水齧階庭草露根
園史近來修幾許
櫻桃結子竹生孫

題黃山內舅畫石三首

奪得峰巒秘色神似非似是天真寧爲棄置填邱壑慎莫輕貽肉食人

瘦透漏皆意指隨雲根山骨適來斯何邊臥我前身處草沒苔侵不可知

鐵如詰屈玉如堅寫出三生有夙緣磋成姿質宜攻玉鍊得精神可補天

又題黃山內舅畫石

黃山尙書有奇石不似世間太湖族得之心手妙悟中一任墨枯與毫禿世人見之不得知姑待媧皇藏深櫝

水仙花四首

仙骨神姿少比倫
山樊是姪木犀姻
本來身世逢遲暮
雖得開花不及春

分明薤葉與蔥根
黯澹形骸怊悵痕
何故令人看懊惱
前身原是斷腸魂

雪中霜裏鬪嬋妍
月姊天孫共拍肩
余亦平生白癡絕
一年一度結因緣

清如羽士靜如僧
豔美不爲非不能
與爾周旋無甚怪
冷官銜是一條冰

趙凡夫熙龍贈墨蘭答以長句

凡夫筆如古釵脚

來蘭幅款志有凡夫詩畫小印

如印印泥奇骨格

天亦不能掣其肘時瀉胃臆以蘭竹蟲疏魚註滿腹
中流出指端少無俗縱橫全庸文字氣弁髦鳳眼與
象曰蟬蛻規矩別有悟古人癢處盡抓却余亦墨尿
好此事聞樂竊忤不自覺愛才不讓穎士奴每見奇
人傾心曲近日得君數紙蘭侈之圭竇愛如玉晴窓
終日看未厭蜿蜒龍蛇起平陸實事求是得真髓刊
落浮華歸古樸其畫其書乃如此其人必然淡如菊
蘭交又結翰墨中至今不見心願願余以大膽投木
瓜欲免他日生面客

秋日直中

我屋種菊兩三種去年今年漫不收料得蕭條籬落
下數叢自作可憐秋

題小照二首

寢陋形骸一未嘉出門常恐瓦盈車問余何事還圖
像生世爲人足可誇

呼馬呼牛無不可苦求形似亦區區人生大患一身
有何故君爲又一吾

寓形

寓形人間世於焉爲四六髭鬚已拂領內無聖胎伏

袍笏忽臨身優孟之孫叔才能本不贍諂諛自爲惡
以此取時容捩手羹輒覆自知甚分明每懷逃空谷
敢云志高尙恐貽明時辱鯨吸過百川鼪飲止滿腹
何庸較夥少所貴各自足生平料如此不向詹尹卜

直中

三載齊門漫執竽移文已到北山隅家常如客歸何
益官不離身罪敢無隨意起居完福力任人嘲笑大
工夫平生更有區區願好去烟波作釣徒

夏日直中思家二首

颯颯東風夜雨多朝來測器二分加不識芭蕉初長

葉更高幾寸過檐牙

經營花木兩三枝分付家僮好護持
箇裏丁寧申囑者暴陽或曬繡毬兒

翰苑直中吟寄洪荷人燮周

軒鶴冠猴恐不勝清時有味是無能
早年妄想斯文在近日真情彼岸登
三昧文章明若火一條官職冷如冰
念頭刊落浮華盡痛飲人間最上乘

訪徐君麟赫七寶幽居

并序

徐君卜居七寶山下余聞其邱壑絕勝而無
由見焉適因公役暫得迤過山路曲折籬落

幽閒野禾初登黃雲村樹正酣紅錦既有盤
谷之美并無陋巷之憂使余滾汨塵埃者遽
作從往之想因賦一詩穢壁焉時辛丑九月

下澣

山徑窄於線不得容雙屐落葉郭索下十里踏秋色
路轉一望遠茅檐懸樹隙行行到門前乃是徐君宅
種桑界籬限積禾等屋脊兒讀孟子書客論樊須學
其中足滋味居處任所適僕本林下人久爲袍笏縛
昨日又南來馳驅勞于役見此起夙心愴惘遲數息
蕩春臺送釋大演之香山

蕩春重到已殘春尙有桃花照眼新宋氏之家逢猛

雨

是旦宿宋氏家夜大雷雨

碑峰何處送行人

時演師寓居僧迦寺寺後有新羅真

興王北狩碑

松風似作顛顛語石佛曾叅得得因

曾與演師共禮

僧迦石佛像

臨別莫懷怊悵意雖然如是竟非真

訪李東樊

晚用

山舍

樊翁卜築足清緣坐此令人可忘年或柳或花連巷口好山好水併門前能教兒子含文氣最喜樓居背市烟問字求書無外事軟紅塵裏有神仙

蜘蛛詩二首

屋角墻頭設網羅辛勤踦脚織成窠秋來稍稍蚊蠅

少充腹無多費腹多

出腹絲綸以供身勝於臨水羨魚人愧我便便十圍
腹只安脫粟貯天真

呈綾山老人

具行遠

二首

展眉以酒解頤詩痴號多於顧愷之如斯冷淡生涯
足柴米油鹽揔不知

艱難險阻備嘗之短髮伊來亂若絲如今大了今生
債六十年間萬首詩

夜吟

露似真珠月似鉤中庭荇藻影沉浮草間蟲語不知

曙水面荷花先覺秋天氣稍含蕭瑟意人心難抑自然愁夜深衣袂清涼濕五鼓聲中上小樓

畫石

平生痼癖惟畫石十載經營未得來今日百金買畫石郭隗初上燕王臺

藹士寄示一律因次其韻又得一詩并呈

雨數雲繁夏至初護檐濃碧樹煩拏一春天外忽忙去四月人間怊悵餘問舍終須居有竹閉門不爲出無車近來多悟情緣惡剩綠殘紅見淡如

半歲支離病滯留憶春心思未能休不知綠樹圍書

屋何處楊花撲酒樓預爲後身須惜福始生今世已
俱憂閉門終日無人款磨墨焚香寂寞由

秋夜與荷人共吟

秋聲何處在宛在樹中間落葉有時下空庭薄暮閒
故人不可見昨日已難還習靜渾成癖柴門晝亦關

念行人

自是京城風土溫梅花未臘已闌珊氍毹暖帳深屏
裏猶說今朝細雪寒

與藹士荷人郊行探春二首

尋春終日遍行山十里紛忙亦爲閒一曲溪聲楊柳

下半窓人語竹林間迷情對月前身幻瘦面臨流小
照還再到思量曾到事桃花千樹夢相關

見花零落覓花時三日山家未厭遲芳草又生曾踏
處綠楊更折舊垂枝醉皆良夜何須卜病是傷春不
可醫短竹屏關人去後忍聽黃鳥說相思

卽事

夏幾微聽屋邊禽稍見垂楊展綠陰佳節每多緣雨
恨奇人皆有惜春心禪家叅後情差薄書味知來病
亦深終日未能無一事掃欄干上落花侵

閒居雜咏二首

槐陰蟬語一林邱着意安排小小樓掃地焚香遲日
度有時夢接韋蘇州

若干草樹護籬笆中有茅堂窄亦嘉最是主人清豔
福方塘新鑿養蓮花

曉起

簾帷隱隱見紋生半欲天明半未明棲鵲深枝姑不
起涼陰數處尙蟲聲

藹士責以有往無來詩以代謝

草遮曲徑柳遮扉雨後山村綠正肥如此芳菲相不
見欲消怊悵獨何歸桃花得氣今皆綻乳燕成雛已

學飛一者之來莫言苦我園春事未全非

咏蟬

來去梧桐與柳枝一生清逸畏人知紅塵無事堪開口綠樹多陰可托肢長短離亭寒葉裏潺湲流水夕陽時慙慙欲問秋消息不盡數聲何處之

春日漫吟

轍跡水生泥滑滑近來天氣半陰晴有時陣陣微風雨鼓動無情使有情

白蓮社與洪芍玉

鍾應

春湖

鍾序

兄弟金茗溪

大根

洪醉裘

在赫

作

林下擁書抵百城復携癯策覓春行敢將佳句論三
昧不妨狂銜作四明昨日君能看竹到中年我亦入
山情有時塵胃渾如滌綠柳溪邊泝泝聲

玉壺夏坐集二十二首

并序

述夫青綾紫履厭直石渠玉麈黃冠來叅蓮社
子雲舊宅時過載酒之人風雨滿城不見催租
之吏濠濮之心不遠水竹清閒江山之助實多
烟霞供養朱衣學士常存出世之懷錦里先生
只好驚人之句况於雪白蘭薰之地過此荷生
竹醉之辰沉李浮瓜飲同河朔茂林脩竹稷續
山陰時逢方外之高人眄流青眼宛作山中之
宰相怡悅白雲遂爲冷淡生涯只博風流罪過
周旋藝圃唐突詞林文不點加興因物起鳥空

鼠卽各自得於性情馬勃牛溲皆在宜於手段
雖稗官野史亦爲點鐵而成金而歧語街談猶
可脫胎而換骨五言七字體不泥於一家抹月
批風志無違於六義汗漫塗鴉塗乙了當三夏
三春無題之作殆多漫與之吟強半今迺芊芊
辨別亥豕校讎稿脫獺魚集成鷄肋盡是風雲
之狀只得利於齒牙其爲文字之緣庶猶賢於
博奕韓文公之見而束帶非所望焉陸才子之
毀而覆瓿殆其宜矣白序壬寅榴夏

李仲山之衡適來玉壺二首

垂楊拂拂絳桃斜
城北山中第一家
黃鳥縣蠻初轉
語紫袍繭栗始
抽花閉門覓句
君何益飲水讀
書吾有涯此地
重逢開小讌淋
漓豪墨得春賒

岸幘寬鞋獨往還
沉吟擁鼻百花
間綠楊樹影雙
扉掩煖玉碁聲
一院閒學佛初
心如淡水看書
餘眼每青山爲
人性癖耽佳句
島瘦郊寒總不
關

寄春湖

淡飯香醪爛漫遊
白蓮社裏楔初
修雲間日下無
雙

句

春湖有雲間日下舊名聲之句

王後盧前第一
流石老可憎如
我

面山青未了憶
君眸繁陰數畝
安排久之子來
時聽

栗留

又寄春湖二首

東風催殺玉壺期次第玫瑰一兩枝芳草滿庭人去
後黃梅過嶺雨來時卜居初遇連山卦求友空吟伐
木詩不得與君文字飲溪光林翠屬之誰

幽棲此地已逾年邱壑情兼翰墨緣如意自橫無語
處青山常對捲簾前松風忘味黃山谷桐雨吟詩孟
浩然更欲將何遲子到人間第二惠生泉

東坡惠泉詩有人間

第二之句壺中有惠生泉甚佳

玉壺感懷六言雜絕五首

外祖父遺愛地壬寅年讀書去棄爭名趨利場坐山
青水綠處

惠生泉五月涼映山花三春紫

庭前有映山紫一竹
樹花時一屋通紅

影荆大門戶楓陰塞破屋子

外王考號楓臯甚愛
楓遍種園庭成林

濁酒無王寡婦名園餘孟監司

公詩有濁酒無如王
寡婦名園絕勝孟監

司之

傷心處非一二此等事不足爲

于公必大其門令尹有後於楚碩果從來不食伯寧

畢竟何許

伯寧公之
孫炳地字

柔日史剛日經過三春過三夏魏舒之相敢成羊曇
有淚自下

卽事十二首同安伯生必期

樵徑人稀晝掩關林梢時見白雲還楞伽數葉長留

案躑躅殘花尙照山滿地綠陰詩境妙一籬紅雨主

人閒未能遲日全無事苔壁銀鉤洗碧斑

壺壁有外王考山光

如邃古石氣可
長年句之刻

此身非佛亦非仙又向林泉結淨緣遜世能肥君子

吉爲官知足大夫賢室生虛白焚香後山遣微青挂

笏邊妙諦平生堪自用飢來喫飯困來眠

花塢逶迤繞藥欄宛然位置碩人寬蒲團禪板今詩

佛紫履青綾舊史官一角小門清似水同心數友臭

如蘭家芝野菟堪充口居得長安亦未難

書城歸擁又詞林如此幽棲便素心元白交情終不

淺蘇黃詩味晚逾深最難爲世多歧路容易欺人是

寸陰猶恐屬文禪病在

慙山師以文思多爲禪病

焚香時復念觀

音

自是先生號織簾邇來三日食無鹽暑寒風雨常稀

出文藝碁書太未廉不合時宜空洞腹徒成儀表老

蒼髯山窓讀罷傳燈錄漫向花枝試一拈

漁弟樵兄共作隣門闌書帶絕纖塵兩鳩雙燕同過

夏暫綠些紅替了春早歲曾多四方志聖時自負

一廬民此身袍笏何相似擁鼻之吟折角巾

沐浴山齋少事爲案頭書卷自參差甘平無毒禪家

味多食生風魯直詩

近日閱傳燈錄及山谷詩

花氣重簾香細細

松聲一榻夢遲遲北風窓下麻姑刺比得羲皇小可

之

竹外荷邊好納涼小窓睡起日猶長濁醪淡飯山中
味雜草閒花雨裏香隨意一蹊携短屐倦軀七尺任
匡牀周旋如此聊堪足不必將身換五羊

芍藥薔薇太半零扶持春事小花瓶兩三點下黃梅
雨五六月間綠樹亭敢擬司空多憤憤自同孔顗少

醒醒宦情近日些兒減四面山光向我青

啄木啄雷博黍飛柴門終日見人稀草間綠苔針初
細葉底青梅子已肥山氣晴時堪潤屋松風多處獨
披衣使余能有田園在不待就荒三徑歸

卓犖初心迴不羣頭顱判却已三分功名事業成何
物者也之乎費拙文情緒空如王太尉鬢絲無奈杜
司勳一生自負能歸退眼裏丁寧有綠筋

疏註蟲魚漫費工文章驚世小神通莫如痛飲三升
酒恨不能開兩石弓童子某邱讀韓集伊人秋水思
秦風居士初非肉食相近來投刺佛門中

懷人詩三十二首

珊瑚鐵網得真如水屋梅菴伯仲書一部華嚴大邱

長山中行佩紫金魚

彝齋權公敦仁

玉珮瓊琚放厥聲照車白璧價連城太平菴裏書千

卷大筆如椽答

盛明

心菴趙公斗淳

談笑風流玉樣清十圍便腹貯文英丁寧第一流人

物紫鞵銀鞍累晉卿

洪海居顯周

碧蘆畫卷紫霞詩翰墨塲中老祖師山脚平生空自

厚倒冠落珮滿頭絲

申紫霞 緯

文采風儀一座傾臨風玉樹不勝清向日尋詩白蓮

社掩門流水碧桃明

洪芴玉鍾應

字字清新句句工天然秋水出芙蓉分明點鐵成金
手不必雲間讓士龍

洪春湖鍾序

潘郎玉潤且冰清楊柳風流不耐情最是玉壺三月
後春歸猶見岸花明

金茗溪大根

有實工夫洪醉裘批風抹月揔悠悠王承政事任淵
學不在第三第二流

洪醉裘在赫

往時皮陸共吟哦我患無才君患多近日西村茆屋
下羨君能舉力田科

洪藹士祐吉

墨几書床盡整齊冰清不見一杓泥近聞勾漏空青

句髣髴三生李玉溪

趙玉溪冤鎬

紅葉詞中證墨緣橫江孤鶴昔何年七分翡翠蘭苕

氣養研老人衣法傳

朴錦齡永輔

永豐南角舍人白寒食東風知制韓如何濯濯玄風

句破帽祇爲措大官

南雨村尚教

艱難險阻備嘗之一字何曾得救飢始覺讀書無所

益希文餘願作良醫

丁酉山學淵

葉間黃殼黏枯蟪草裏紅腮墜病梨不須更作驚人

語楓落吳江足一夔

丁蓮史大林

青山影裏人如畫布穀聲中柳欲眠謝家羣季皆名

士俊秀終來許惠連

丁子園大樊

老去人生酒幾何滿頭白髮已鬖髿齒酸三百黃蘗
甕滿腹珠瓊花木瓜

李東樊晚用

豔詞麗曲繼庭筠句是三分讀七分果然酒所詩場
上不可無君似竹君

鄭黃坡煥杓

晉陽畫筆是裘箕元鎮迂中子久癡續續秋香欄一
曲其人如玉又其詩

姜對山潛

仲山詩筆吐琳琅玉塵誰能奪謝王憶昔叅禪北城
夜雨中燈火句難忘

李溪堂之衡

淡淡荷人似菊人堂堂難與並爲仁最是渾居京洛

三才圖會
卷一
裏衣邊不染一緇塵

洪荷人變周

燕巢亭子紫烟村姓是香奩人玉溫不學蔣仙與袁
佛黃金欲鑄趙芝園

韓冬郎致堯

子襟青見班荆地我馬黃愁落木天藕船二字堪爲
號詩句清於玉井蓮

李藕船尚迪

諄諄言語似無能質厚爲根最上乘人與畫詩俱澹
泊前身種菜破頭僧

金晴嵐著仁

雲崧詩裏得靈犀一杵金剛破六迷比况胡爲李松
穆子蒼猶耻入江西

鄭夏園芝潤

性情文字摠和平氣味醇醇似大羹遠志虛夷才厚

朴不從鐵裏鬪錚錚

洪海初顯普

伯生才思十分多
苦苦雕蟲又述蛾
年年負郭收秋
路得句多於所得禾

安琅山必期

翰墨因緣八十春
懸厓撒手妙傳神
若準汝南評月
早南施北宋老功臣

趙秋齋景游

問字求書握瑾瑜
又從赤水探玄珠
不獨江郎有奇
夢桓溫城裏小珊瑚

吳大山昌烈

墨竹墨蘭三兩叢
閉門磨墨似叅同
從來無古無今
盡不在尋常眼孔中

趙又峯熙龍

李鶴來今酈道元
能教涇渭各清渾
苦心老鶴宵鴉

學低首平生許慎門

李青田鶴來

再來根器是黃梅喫飯着衣養聖胎姑未經篩春米

白花花草草悟西來

釋大演

懷人詩句是論詩立立諸人盡泰師鈍舌不知無上
味恐教蒸食哀家梨

自况

夏宵獨坐

古人春宵句一刻千金直夏宵上春宵萬金猶未得
流螢出深青飛向書窓落蓮房受露重低臨波面仄
草蟲最多愁徹曉語惻惻老驥伏櫪上睡猶臥階側
歷歷眼中景只恐寫難逼無人解此情殘月照寂寞

洪荷人夜至

石燈茅屋夜喜見子襟青臨榻來禽帖論談採藥經
一生懶殘涕三日伯仁醒床席今皆燹漫將學管寧

梳髮見白二首

并序

余今年二十有六髮有純白者三舉於醫師
云是榮衛之疾而非皤髮勿爲慮也余曰雖
髮之皤何慮也然吾所以愀然者有焉顏氏
之賢不在宣髮馬良之稱非爲白眉今余徒
存其毛才不同於潘岳虛有其鬢文未及於
嵇含雖國用老成鄉尊舊齒其如優孟之冠

只得其表陳平如玉未必有中何哉於是霜
落之戒愈深川上之歎倍切遂賦二律以述
其懷

需用平生一个癡行年廿六甲辰雌腰間未見黃金
印鬢上初驚白雪絲天下憂先許多事恒河面皺剎
那時有生畢竟皆如此不足關心少速遲

功名勲業日相催私鬢潘毛太早哉三月能仁何敢

望千文成韻亦無才要求側室羞阿展

何長瑜詩陸展染白髮將

以媚側室

登用台司讓寇萊把鏡不須頻愴惘本來面目

卽今回

釋大演自妙香來僦金仙菴貽書邀我適有事

未赴

去年宋氏家共論馬鳴說

去年夏大演將歸妙香敘別於城北宋氏家

怪

雨打盲風窓紙盡破裂

是夜大雷雨

余謂獅子吼師云祖

師喝因賦七字詩敘別成禪悅翌日師起身妙香千

里別五蘊久已空手如懸厓撒於焉一白過幾宵趾

離結

今年正月十五日夜夢與演登碑峯

今見大慧書紫金光照室上

言夢噩寧下言刀殺活復有數行餘三十二相詰

演書

中有有無相之間而余答以我輩能具三十二相足矣

草草答一箋妙意難究

悉况陳憨山言恃情太唐突

余答有師之移居大異於憨山師之語

聞

說近移錫目斷金仙窟金仙豈西天一去亦難必不

赴遠公招只自聞樂竊余已退席人詎得達摩骨

向說

於僧伽演與鄭夏園論慧可得髓在家文字緣空纏

余携蒲團移座曰余爲退席人

贈鄭壽銅芝潤二首

壽銅天下是剛腸近日交遊又賣漿髣髴三生列禦

寇

壽銅嘗好讀列子云列之文章過於漆園

破除萬事太和湯任人誹笑

還無束下筆俳諧亦有章詩癖酒名聊復爾屠刀擲

處菩提場

席地幕天無所知中山一醉太支離

壽銅自正月至四月無一日醒

有情天下王長史落魄江南杜牧之爾汝定交皆杵
臼文章餘事卽胡荈才高難入時入眼動輒得謗名
亦隨

與仲山得衣字

不獨青山好閒人似我稀初心天下事晚向佛家歸
愛盡求癡絕補詩學廣微備他歸去具只欠碧蘿衣
過斗溪丁酉山所居

烟霞供養可延年日對倪迂與米顛妙悟何妨靈運
後文章宜在照隣前幾時東道爲賢主一味西林叩

默禪

舍北有小刹主僧時過而僧不識字故云

墨瀋書香容我放此行不

爲繪時鮮

贈丁子園

如此江山赴子期因緣文字尙嫌遲才名君有七分

矣禪味吾能一嚮之

時與子園造白雲菴

熟後求生歸宿處腴

中實理悟回時別來最是相思物數句青山布穀詩

子園詩有青山影裏人如畫布穀聲中柳欲眠之句

東樊貽詩斗湖酒姬姬是舊教坊女也以一律

戲之

石城不是莫愁鄉身世青山兩渺茫紅粉十年專北里琵琶一曲誤潯陽五陵年少餘三李千朶花開學

四娘惆悵江湖無好漢幸逢羣玉說心腸

東樊姓李故謂羣玉

說心腸亦書中語故云

夏五寄東樊

夏五壺中坐青山不我疎槐根龍骨古蕉葉佛心虛

羅雀猶延尉採薪還秘書

是日蒙應教恩差

近來詩句味鷄

肋也相如

次韻蓮史見示

好是清江好是山至今怱悵早回還書香墨味懷芝

宇

書香墨味卽蓮史之堂扁

劒氣珠光見幅間

近時洪亮吉云詩必有珠光劒氣始

信其不杜牧不堪多懊惱季真誰可奪清閒一生况

復吟詩苦贏得鬚眉種種斑

復寄一詩

秋水伊人不可期
衡門之下獨棲遲
斗陵風日家中
物人世繁華局外
碁伏臘歲時能有
酒封胡遏末總
爲詩倘容一席漁
樵地余亦少焉歸
去辭

華城奉命之役乘小車石路甚險不平

欲當緩步不勝掀石徑崎嶇馬已煩

洛神賦車殆馬煩

甘受

輪回衆生相特高一丈大夫尊只宜投轄留賓友何

必懸門示子孫二歲三番來此路

余凡承命而來此三次

看他

生耳愧前言

與荷人仲山伯生訪城北宋氏家

北山之北宋君居世味鄉情兩不疎豚栅鷄埒猗頓
術棗籬桑戶橐駝書誰將萬貫能騎鶴莫羨三公且
釣魚到此便無歸去意今吾更不受吾廬

宋氏家夜與釋大演共賦

話久松窓燭影殘斗星三四正闌干近爲閉戶陳無
已來見彌天釋道安十載蠶絲身是縛幾丸熊膽齒
猶酸何如並忘僧菩薩滿口江瑤一嚼歡

余勸強大
演酒三杯

祈雨 社稷

西郊密雲積中谷旱摧蕃 聖主憂狼顧微臣役駿

三才圖會
卷一
奔肥遺空作虐枯骨盡霑恩息壤無由破何時雨覆
盆

觀碁二首

茅廬八九間四面松槐影中有着碁人不知春晝永
君復還無味重恩太惱神最是清閒意全輸局外人

盆蕙三首

皺襞磁盆色渴茶越窑做出十分嘉綠繪康寧壽福
字最宜種得忘憂花

床頭窓下愛看看心志平和夢寐安共爲起處還相

合我亦清朝四品官

花經忘憂
草四品

合歡懷夢並同流
肇錫何人以療愁

忘憂一
名療愁

天下憂

人皆向爾忘人憂
是自家憂

聞趙凡夫近日常閉戶磨墨寄詩乞畫

居士之癖天畀矣
和嶠玉濟不同爾
弄畫恨不充桓
廚患得患失祇在是
烟雲過眼太如駛
疥之於壁無隙地
此是特健大藥王
令人益壽又益志
去年笛樓證墨果
紅蘭瑣墨曾投我

去年凡夫贈一畫卷
簽題紅蘭吟房瑣墨

或石

或竹或梅蘭又有佳題
於其左我嘗珍之如靈蔡
不換以南金大貝凡夫聞
有新工夫磨墨不出門之
外磨墨之意縱未思余有
一轉語欲示染絲成黑我
所

悲磨頂放踵子何意空費腕力衆莫知滿地縑雲無
處施不如濃染大羊毫寫出硯礪好胷次欲得派及
與枝流今以十幅剡藤寄莫爲得隴望蜀譏遂余屈
芟曾羊嗜

圭齋遺藁卷二目錄

詩

壬寅秋承清北學政之命臨行拜辭兩闌

釋大演聞余西行來高陽縣留宿敘別演本住

妙香山內普賢

臨津舟中

長湍旅館見菊

過青石關沿溪石角車行甚危三首

葱秀山

宿鳳山郡齋

過洞仙嶺

月波樓

過箕城

百祥樓歌

上藥山東臺三首

上香山上院菴

佛影菴與釋東溟論佛影

留山日天雨不得隨意登臨

贈釋蓮峰

夜宿觀音殿敬次外王考楓臯金公竹里金相

公

履喬

斗室沈相公

象奎

經山鄭相公

元容

唱酬韻

北院途中

贈寧邊金使君

鼎集

黃鶴樓贈江東沈使君

承澤

途中見蓮峰書

降仙樓過重九懷人

過善竹橋見圃隱先生血痕

滿月臺

白天磨山歸松京再過善竹橋

還渡臨津

歸家

安岳郡齋三首

海倉舟次

贈碧城妓玉仙二首

映水亭晚坐

白雲樓感懷

賡進 內苑避暑

賡進 內苑賞菊

奉呈橘山李承宣

裕元

出守龍灣行軒二首

憲宗大王挽章

以湖南節行部至扶安開巖寺次金堤洪使君

秉元
韻

月明菴賦贈同遊

觀海

采石

格浦途中又示同遊

早發來蘇寺夜微雨

燕申堂種竹與海初黃坡共賦

燕申堂與洪海初李蘭史俊養共賦

食笋有作

看竹偶吟

燕申堂晚步有感二首

又疊前韻四首

咏牧丹花

李在山鍾石以儷文論余病症甚詳喻以醫治
將攝之道首尾數百言眷眷之意甚感以一
律書便面謝之

夜夢有感疊前韻

二水集十七首

二水頭途中

楊根郡齋三首

又疊二水頭韻

贈梁君健植

一日郡吏來示小紙書曰舊日詩社老生具綾
山年來流落龍門山下今聞歐堂令監吟蘭
江郡遠涉到此歐堂是余舊號卽邀坐道故
寂寞之中甚可喜再疊二水頭韻贈之

次綾山韻

寄安峽姜使君潛

喜晤徐使君

兢輔

聞完城消息疊前韻

疊前韻贈梁君健植三首

自嘲

次吳秀才韻

蒙恩宥還

途中見耕夫二首

狎鷗亭陪家大人與諸人共賦

癸丑暮春遊山寺同遊諸君子金三松

輔根

洪

芍玉

鍾應

金如淵

大根

李石農

鍾愚

申海莊

錫愚

韋史

錫禧

兄弟洪悠齋

鍾序

趙晉齋

在

應

李是迂

興敏

李郢南

歟

夏園鄭芝潤三首

訪韋史

純元王后挽章五首

坡州圓閣夜雨有感

朴淵瀑

臨津途中

傳硯詩和潁樵金太史

炳學

狎鷗亭與尹瑗銷暑閒課五首

池荷爲雨所敗戲賦一絕

丁上舍子園見訪於南漢山城喜賦一詩

偶懷

遊漢北晚飯重興寺仍向興國寺投宿韋史申
尚書載酒踵至相與欣然共賦二首

清潭

追寄韋史

余愛菊每於花時藏之小屋使庇風霜花以是

久住戲賦

疊前韻贈尹瑗要和四首

古楂梅

敬賀內舅荷屋金相公晬辰

次外從思穎金尙書

炳冀

樊野詩韻

喜穎樵金太史見訪於駱下

黃史閔待制

奎鎬

見過問疾

穎樵太史再來問疾

敬呈季舅荷屋金相公

贈珠船卞元圭佐辨誣奏使之行五首

東郭聯吟集三十二首

漫與

又與順之秋生同賦三首

病中無寐戲作失眠詩五首

自駱山還第戲賦一詩未就使秋生足成之

偶吟

送春同順之秋生

赴潁漁金尚書

炳國

招飲

卽景

圭齋遺藁卷二

宜寧 南秉哲 子明

詩

壬寅秋承清北學政之命臨行拜辭兩闡

辰鐘報未時僕夫催行李此去高陽縣程路云不邇
執手趨庭下嚴君命提耳典試最多難文章有朱紫
汝無十年苦况又早登仕慎旃且慎旃勿貽明時耻
母氏本慈惠惜別情不已兒子好歸來吾將倚閭俟
聞命再拜辭敬跪曰唯唯昔曾不遠遊今行忽千里
三旬可歸侍悵慕自難弛遠父母兄弟王事不可止

攬車出西城斜日欲山峙

釋大演聞余西行來高陽縣留宿敘別演本住

妙香山內普賢

去年吾師下妙香我送僧伽山後岡今秋我亦去妙
香師又送我到高陽憶昔張園風雨夕師說妙香勝
金剛自從聞師此言後白雲紅樹入夢久念念不捨
已三年却喜今日茲遊有譬若欲仁仁至矣成佛生
天亦如是師於見性似我山彼岸不足爲尺咫此非
我語佛所云君家之有還贈君

臨津舟中

之字舟行西復東蓬窓幔緊綠莎風滿汀林葉含霜
氣爲我歸時準備紅

長湍旅館見菊

終朝馳役困風沙到得臨湍暫稅車蒼莢白蘋秋水
渡紫茄黃豆野人家亦知此處非吾宅未去之前對
菊花又被征夫急催路惓惓數句慰寒葩

過青石關沿溪石角車行甚危三首

溪流侵橫齧其涯石角參差似犬牙緩步勝車猶未

盡只宜言步不言車

顏觸云緩步當車晚食當肉東坡以謂當肉當車猶有車肉之

念改之以勝車勝肉

廝養牽車陟彼高則阿邪許苦相號何福我猶車上
坐又重言逸與言勞

諱窮求福總爲癡不立巖墻信有之我欲安徐過九
折於忠於孝兩無虧

慈秀山

爭秀千峰似累碁鋪張亦一范寬師之而皆是承生
氣醜怪猶能帶美姿石跪獐羊王敞句苔封鼉屬董
君碑若令近在京城地不啻楊花伯仲之

董越慈秀山記有伯

仲於漢江
楊花語

宿鳳山郡齋

路長車大也噶噶來歇山齋日已昏敢詡文章培士
氣只將趨走答君恩此生何處非傳舍飽食安眠
是妙門燈下欲修于役志思量經過好山村

過洞仙嶺

山徑之字折林木左右因白者遠過樹始知俄去人
秋風吹行色落葉打衣巾籃竹逶迤上山顛更平均
披衣坐松下觸日景物新爲貪巖壑飽忘却逆旅身

月波樓

君惠隨時重此行又壯遊昨過慈秀館今上月波樓
山色如相識江聲已變秋黃岡尋古蹟辛苦溯扁舟

過箕城

徐苑繁華未足方

文獻備考新羅國號徐耶伐後
人稱凡京都曰徐伐轉爲徐苑

銷

金鍋子樂浪鄉鷄猪酒麵留歡地脂粉鶯花得意場
落日題詩金學士綠波添淚鄭知常好是風烟山水
裏真娘蘇小累錢塘

百祥樓歌

馬鳴蕭蕭旆悠悠偶登密城百祥樓清川一曲走城
下香嶽千峰對檻頭江干日暮西風緊荻花飄白滿
汀洲中有老吏年八十爲我往事說一周此是隋唐
戰伐地往往耕夫得折矛嗟嗟忍說白羊歲多福洞

中起狗偷長蛇封豕滿地來一城蒼黃如沸油城門
凍涸不得閉賊疑不入相夷猶是時李公爲節度積
薪樓下欲火投苞桑之危在朝夕勢如燎原不可收
幸賴皇天眷我邦風吹賊旗指定州京師大軍又繼
至一月三捷斬貔貅妖氛腥臭盡掃却山高水清三
十秋 聖明在上治具畢龍蛇歸化機事休戰場今
作風流局舞袖歌扇長淹留我聞此語悵望立渺渺
烟波入詩愁吾行髣髴輶軒使問古證今賦壯遊

上藥山東臺三首

高臺屹屹插穹蒼月渚楓潭舊道場似欲誇矜讀書

眼山王時放寶珠光

海色天容萬里清吳門白馬亦分明茲遊奇絕平生

冠山與君恩孰重輕

落日銜山似鑄金歸來天柱禮觀音不是阿難阿閼
國白雲留約再來尋

上香山上院菴

幾重雲樹到禪關懸度羊腸鐵索攀第一妙香惟上

院

上院有匾香
山第一菴

尋常風日異人間世情鄉夢逾千里

佛氣秋光滿一山滌盡五年塵土胃令人終日澹忘

還

佛影菴與釋東溟論佛影

佛影菴佛前問佛以佛影佛是性之覺影是明有境
一覺更無漏何有境之屏佛不可言者請以臆對說
日色照琉璃雖明有暈纈月光入水晶亦映尙恍惚
一切有有相皆不免住著莫如彼虛空空空無雜錯
一之影二也佛之影我是而佛與而影其歸則一耳
能知一歸處影佛自解已佛今反著影未知其所以
余曾夢金人久事於空門欲上蓮花臺常阻有無間
願言醫此病求藥於世尊

留山日天雨不得隨意登臨

橫峰側嶺盡嶙峋一片看來一片新到處眼如曾見
地誰知余亦再來人登臨未足猶爲恨風雨相猜似
有神俗傳官人入山必天雨不與武陵漁父似青山紅葉更留
因

贈釋蓮峰

夙世因緣上根器妙香深處種旃檀白雲紅樹忘機
坐外道天魔冷眼看不識猶能爲六祖多聞或恐累
阿難如來亦一凡夫是莫向人天小果安

夜宿觀音殿敬次外王考楓臯金公竹里金相

公

履喬

斗室沈相公

象奎

經山鄭相公

元容

唱酬韻

太白山高幾千丈維摩不能著諸掌靈氣變化爲神
羊佛子住持調狂象禽有迦陵樹旃檀宛如雜貨舖
惚恍又有三十六浮屠南浮屠三十六菩提種子之府帑山
王變相顯真如峰嶺稜稜露其爽有神降于檀木下
鼻祖東方爲君長古來仙佛之所居嵐靄烟霞堪供
養生平余願一見之法王毗盧勞夢想有志竟成且
夙緣一筇一屐今來賞人間風日不到處清涼五臺
共下上時維九月多楓菊盡日錦繡叢中往虎臺雪
跡一逕迷龍窟雨徵三瀑決歸拜世尊率堯波香山有釋

迦如來
舍利塔

天上天下久景仰再來我亦過去佛此行爲

得無生獎幾時塵寰聳駭事胡桃殼裏爭狹廣眼孔
小不容山川還如望洋覺悵惘僅僅欲學棲霞遊履
巖披榛自勉強林霏石翠滿衣巾與入天台相髣髴
名山如藥病身輕骨換胎脫似爬癢試將詩篇記壯
遊口氣更無眼赤兩何如陳思上魚山空中聽得梵
天響茫茫無處問真詮滿山秋色迷魍魎

北院途中

長程驛路渺愁余秋色行裝載一車八月香山霜落
早滿林紅葉我來初宦遊幾處留鴻爪家信東江滯

鯉魚倍切思親佳節近錦城雖好且歸歟

贈寧邊金使君

鼎集

特高車盖不其然大手無難烹小鮮水碧山明州邑
古官清民樂使君賢相逢滄海神仙窟共說青雲侍
從年旋別只增萍水恨復期明月湏江船

黃鶴樓贈江東沈使君

承澤

歌管聲休夜正分樓頭月色更慙懃三秋冉冉猶爲
客雙眼青青又見君羽化何人跨黃鶴風流吾輩醉
紅裙休題江上烟波句崔顥詩中舊已聞

途中見蓮峰書

書到相思際三分慰別離
恩恩取書見反道莫相思
降仙樓過重九懷人

東明故館枕江洲十二青峰列檻頭
神女生涯雲雨夢仙郎消息桂荷秋
人如白玉云誰憶鞠有黃華使我愁
陶瀉離懷絲竹在縱非吾土一登樓

過善竹橋見圃隱先生血痕

爲國身能死先生可謂仁固然如是事久矣鮮能民
碑泣尋常日碑石常如雨濕血紅五百春豈緣誇節義將愧

二心臣

滿月臺

寂寞故王宮秋來樹葉紅陵闕西風裏山河落照中
令人堪下淚事佛竟何功慷慨成遺俗空多十室忠

松京人俗至今尚
節比屋有棹楔

白天磨山歸松京再過善竹橋

報國祇一死爲臣不足難萬事一任天於人太便安
是以諸葛公竭其股肱力龍逢與比干雖忠何有國
先生異於是所死非其志今日東方人敢言當時事
萬古誰無死維公特專美

還渡臨津

九月江臯木葉飛汀洲漲落舊痕非菊殘楓剩秋將

暮水綠山青客忘歸勝地遍遊携小卷長安漸近試
朝衣移舟花石亭前去繞屋松杉送夕暉

歸家

行人九月始歸兮黃菊如金滿故畦山色飽餐身稍
健帽紗欲著首還低文章仕宦同鷄肋南北東西厭
馬蹄統計遠遊多少事今來只得一詩題

安岳郡齋三首

風風雨雨客懷新景物他鄉易惱人芳草自生偏憶
弟白雲入望正思親林泉或恐違初志刀筆何曾致
此身料理故園花事盡且須歸去及殘春

從來官職爲他人簿領堆床日惱神故隱那無三徑
戀聖朝曾許百年身可不如我奚滕趙肥瘠於民
忍越秦恐負夷陵歐九戒多將吏事付因循

辭朝
日經山

鄭相公以歐
陽公語爲贈

清明時節在天涯無奈春愁亂似麻三日東風三日
雨一村垂柳一村花情懷頓覺中年減夢緒偏從異
地加正是客心孤迴處不禁芳草夕陽斜

海倉舟次

汀洲解纜趁潮生獵獵蓬窓五兩輕入市魚鮮三月
味近人鷗鷺十年盟江光如練風聲小日午當天海

氣清憑問黃岡多少里梢工遙指正方城

贈碧城妓玉仙二首

碧城一別十三年記得佳人字玉仙
忽漫相逢非舊日可憐身世短裙邊

桃葉桃根揔後生阿香阿玉半存亡
不須怊悵他家事顧曲周郎鬢欲霜

映水亭晚坐

離懷隨處欲銷魂况復鶯聲似故園
夢裏尋常逢舊雨愁邊容易得黃昏
沉吟如此緣誰故歸去猶遲爲
主恩吏退公庭無一事喃喃負手步西軒

白雲樓

外舅永興金公別墅

感懷

半畝花陰百鳥鳴
小亭寥落不勝清
前門檠戟餘衰柳
後院笙歌替老鶯
碩果復生云有望
大槐一夢太無情
繁華四五年間事
都付山光與水聲

賡進

內苑避暑

仙苑追陪第幾回
家人同視錦茵開
那得一涼恩到骨
身從天上玉堂來

賡進

內苑賞菊

一叢白白一叢黃
霜後風前黯澹香
不比春花易零落
流芳晚節似安陽

奉呈橘山李承宣

裕元

出守龍灣行軒二首

鳳池仙侶去行邊秋色關河五馬前
敢詡趨班聯玉笋每逢歸院共金蓮
洪私暫借迴翔地遠到皆從歷試賢
畢竟讀書知所用如君端不負廉泉

江城坐鎮上游尊裘帶風流玉似溫
鵷鷺曉辭天北闕貔貅秋擁國西門
際遭何處堪爲報去住吾儕摠是
恩歷歷舊遊應在眼憑樓暇日眺中原

憲宗大王挽章

方佇嵩呼慶何遽日云沒蒼茫九圜天
八柱忽中折號咷窮山谷欲訴心摧裂
念昔聖人作熙皞歌長

發玉斗與珠衡宛瞻乾象幹稟該堯舜性欽明而濬
哲寶齡四春秋宅憂那忍說羹墻永孺慕優皇如一
日進登太學初 純祖上雲蹕 宗祊晏有倚民心
凜旒綴端冕朝委裘萬方咸寧謐諄承 太母訓宵
旰惟精一 椒闈躬視饁養志得愉悅孝思徹九京
綏陵改占吉移奠萬年地龍峰天所設憲章文與武
圖舊善繼述續纂 國朝史 睿裁炳袞鉞落筆燦
綺霧挾藻星漢潔淵博蹟幽玄格致靡遺察恢恢七
政齊明明四聰達賊化覃雨露逐歲樂穰溢擬覩鳳
瑞集徑聞鶴語戛鳥號弓莫攀仝然屣已脫匝域慟

如喪三泉長夜咽顧臣木石頑早得忝邇列殊恩敷
清要又叨按南節豈意辭陞時便爲永告訣報答知
何許沒世冤恨結符守苦有限未能恭挽紼區區禱
螳忱北望徒隕絕

以湖南節行部至扶安開巖寺次金堤洪使君

秉元
韻

海國行春賦遠遊山門投宿亦風流宦情自愧朱輪
弊禪悅何妨玉帶留賴有新詩酬淨境恨無明月憶
南樓登高且莫嫌高絕好處原來在上頭

月明菴賦贈同遊

笋輿伊軋上禪房塔影鐘聲已夕陽石逕草深愁屐
滑海天風緊覺衣涼漫吟作伴尋春路努力同登選
佛場病脚貪遊渾忘倦青山知是大醫王

觀海

天風浩浩地茫茫萬里汪洋萬里蒼眼孔何人觀有
術尾閭多說理無當來朝江漢能逾下化國乾坤自
不揚休怪麻姑三見變前年我閱一滄桑

采石

勻圓萬顆採紛紛似入波斯也未分清趣誰知供佛
事微軀能有補天勲雨如星實仍成質水上風行自

見文衣內珍藏同拱壁癡愚吾亦宋人羣

格浦途中又示同遊

草長鶯飛海郡春
觀風歸路住征輪
宮樓野寺留詩字
漁戶耕家問苦辛
勝地如逢名下士
他鄉況見意中人
溪山百里經三宿
無雨無風儘別因

早發來蘇寺夜微雨

飯畢山廚又理裝
林霏松翠送朝涼
沙痕忽落溪身大
雲影時穿日脚長
昨夜僧窓聽雨響
東風官路挹花香
甄城漸近歸心促
真箇并州是故鄉

燕申堂種竹與海初黃坡共賦

種得琅玕綠數尋
籜龍移窟雨陰陰
安排宜土知應茂
扶植良材忍不深
一日無時爭免俗
此君高處是虛心
軒窓更喜添顏色
月午風晨碎屑金

燕申堂與洪海初李蘭史俊養共賦

杜老花溪卜草堂
衣冠瀟灑野情長
商量往事皆流水
邂逅相逢況異鄉
別後面皮如許醜
春來詩句尙能香
歌聲舞影猶堪醉
幕府南樓月色蒼

食笋有作

竹吾甚愛之笋亦我所欲
庇葉傷其根無乃爲口腹
昔日有一事與此可比
倫化虎封使君治民還食民

看竹偶吟

南方種竹賤如蓬到處尋常碧玉叢何似故園茅屋
下數竿蕭瑟足清風

燕申堂晚步有感二首

小草何曾物望輕汝南題目本來清仙緣晚晚丹砂
熟公道分明白髮生相士只今餘老眼買山何日遂
初情破除萬事無如酒一副規模我已成

擁鼻行吟步履輕梧桐小院夕陰清高人亦有無名
氏佳句須憐太瘦生賴爾墨君能免俗終知紅友不
欺情深樽健筆相逢夕三影參差對月成

又疊前韻四首

十載宦遊車耳生角巾歸計苦難成
瘡痍滿眼憂何細名利無心語太輕
紙號霜花堅且白酒調竹瀝聖之清
故人遠訪銷寥寂每向詩篇共說情

傾蓋何曾面日生萍鄉注合別緣成
君今閱世知非小我亦交人自不輕
五色神方錦囊秘七分佳句玉壺清
眼前風物良如此痛飲狂歌好盡情

野性終知吏事生南來二載愧無成
心期與世多睽戾聲價聽人定重輕
燕寢凝香春晝永官門如水午陰清
幾回說道休官去却被諸君笑不情

黃梅子熟竹孫生夏景園林次第成
逐婦野鳩鳴磔磔將雛檐燕語
輕輕榴花照眼離懷苦枸杞登盤宦
味清吏退公庭無一事判題餘筆惹
詩情

咏牧丹花

送盡韶光始綻英大家出處本非輕
羣芳譜裏朝同列百卉叢中享盛名
富貴三春原已物風流一種卽天生
淺紅深紫看花局高價全傾十五城

李在山鍾石以儷文論余病症甚詳
喻以醫治將攝之道首尾數百言眷
眷之意甚感以一律書便面謝之

藥如甘露說如春醫氏能文始逼真久病侵身頑不
去陳根於子化爲新急來抱佛知今我到底留心感
故人從此籠中蓼朮備不憂南國有疲民

夜夢有感疊前韻

浩劫經來萬念輕剩軀殘殼不禁清全家肉骨知誰
賜一體君臣願後生就日望雲渾似夢老天荒地太
無情報今雖是追先事爭奈庚倉志未成

二水集十七首

并序

余自幼好詩始操管至釋褐未嘗一日不作詩
既而曰文章之事不止於詩士之事不止於文
章遂廢之于今幾許年矣向按南臬有所罹歸
路蒙 除奎章閣直提學遂引而不出以違傲
牙牌 恩補楊根郡卽納節之翌日也蒼黃登
程至二水津上江山秀麗已不是南土比而蕭
然行色又非高旌大纛之支離可倦於是境來
情觸不覺觀獵起興因自破戒曰余之廢詩久
矣所得何事且使余慙慙吟哦如十五年前不

出戶庭閉門覓句雖欲值向日所值其可得乎
卽於舟次賦一律舊學頽唐牙頰甚棘澀而其
一往情到則似慧能作佛宛然見再來之緣足
可喜也莅任亦少務日以是爲事遂什若干篇
以三水題簽

二水頭途中

飄泊東南笑此身車車馬馬過今春巾高易墊連朝
雨扇小難遮撲地塵墨紱殊恩新郡守白頭閒說
舊宮人從來迷路知爲幾二水洲前又問津

楊根郡齋三首

此身到處便榮途玉節纔還又竹符宦海尋常隨進

退邑人三百好歸逋

治下人三百戶

老銜張大遲文牒初政

申勤督稅租莫笑食蠟猶恐失我心先得長公蘇

自書下考不其宜永日惟消一局碁理縣何人還有

諧護身長策是無爲封章筮遇天山卦公論聽從沔

水詩淹滯東州春又暮景陵寒食逐臣悲

鳥語盈庭日抵年坐衙官似在家禪世情縮縮逢楊

閨民俗熙熙想葛天野徑黃昏樵牧下公門白晝吏

人眠看來最是空閒地不妨因緣暫借便

又疊二水頭韻

分明不直一文身楚相衣冠問幾春
太守高車來下土蒼生宣室悵前塵
油鹽柴米民之質杜召龔黃我亦人
自笑初心終未忘夷中詩句誦津津

贈梁君健植

日日清篇興更濃批風抹月惱阿儂
頭顱不妨如今判性癖胡爲到底慵
涉世昧方狼失狙窮途相惜駟依蛩
林泉經濟他時計與子同歸作老農

一日郡吏來示小紙書曰舊日詩社
老生具綾山年來流落龍門山下今
聞歐堂令監吟蘭江郡遠涉到此歐
堂是余舊號卽邀坐道故

寂寞之中甚可喜再疊二水頭韻贈之

落魄江湖十載身一樽相對廣陵春
槎枒腸肺猶能酒皓白鬚眉不見塵
唐突清風誰似子楚騷今日我
其人聞君家住仙源裏且待桃花去泊津

次綾山韻

角巾行李我東徂是處雲山興不孤
去馬來牛迷過

境落花啼鳥計歸途

東坡詩有山寺歸來聞好語落花啼鳥亦欣然句是宥還時作

書生投老宜官谷學士休恩有鑑湖
怪殺狂奴狂舊態胡荻撒盡自歡娛

寄安峽姜使君潛

詩債纔還吏事侵溫柔爲政感人深八條教遠嗟何
世百里才難最卽今行路卷中知宦味流民圖裏託

初心

對山
工畫

公庭訟罷東風細狼藉飛紅落滿林

對山
有看

書啼鳥裏聽
訟落花前句

喜晤徐使君

兢輔

故人遠涉到江關笑問胡爲在此間憐我孤吟青玉

玦對君如見赤裳山

使君自茂
朱府移來

三刀舊夢風懷冷

巡

茂朱時使妓
楚玉侍酒

五袴新謠峽治閒百種浮華今撒手朋

情一債尙難還

聞完城消息疊前韻

冠佩參差笑我身異 恩來管峽州春官無長物惟
知罪地有名山可避塵萬事都歸消遣法百謗自止
贖聾人丹砂勾漏清供足宦海從今不問津

疊前韻贈梁君健植三首

荼苦薺甘一味身他鄉相守屬殘春花期進退清明
雨柳睡朦朧大陌塵援出墨池終有日同歸白首詎
無人賦成天問君休笑銀漢雖高鵲可津

詩債民憂太惱身蕭蕭鬢髮映新春楊州月色宜今
夕

郡北接
楊州界

玄館桃花付後塵有道朝廷悲楚客太平

時節避秦人

梁君卜居完城黃方
山下甚幽僻可喜

淮陽治理多閒臥

偃蹇常如佛困津

銅章玉節替隨身梅閣棠軒到處春皮裏陽秋閒筆

削笑中刀劒飽風塵一文不直公然士六歎無端妄

用人

或以余引義謂無端生事有非之者

漢上吾遊還見障扁舟來泊

葛山津

始擬納節之後出寓江舍未遂來此葛山津在郡南

自嘲

十室區區小似枰新官來擁五言城破廬端合盧仝
坐惡草真宜楚使迎廿箇吏人能細織三旬公事報
陰晴如斯風俗如斯邑太守兼如阮步兵

次吳秀才韻

十年人作少微星澤畔相尋賦獨醒未了讀篇具冠
帶不知倒屣下階庭大言迂濶無時態雙眼依稀認
舊青嗟我婆娑今不去北山長負草堂靈

秀才言十
五年前於

北山玉壺中
與余有一面

蒙 恩宥還

聖主仁深愛弊輪滄江今有錫環臣惠州飯食三旬
飽京兆瓜期五日頻欲返明珠無及暇才投墨紱見
閒身歸兮最是關情處有箇鄉中自好人

聞同宗士
人在治下

有文學欲擬
一訪未遂

途中見耕夫二首

長鑱短褐誰家子唱送山花入耳新
黦胼胝雖甚苦不將肩笑向時人

力田孝弟本同倫向義從多瘠
土民自有勞心勞力語彌縫吾輩素餐人

狎鷗亭陪家大人與諸人共賦

名心宦業久忘機近向湖邊買釣磯
二水三山詩句在清風明月羽觴飛
漸看親老思長侍敢恃君恩望早歸
更喜烟雲供養日綠簑衣作老萊衣

癸丑暮春遊山寺同遊諸君子金三松

輔根

洪

芍玉

鍾應

金如淵

大根

李石農

鍾愚

申海莊

錫愚

韋史

錫禧

兄弟洪悠齋

鍾序

趙晉齋

在

應

李是迂

興敏

李郢南

嶽

夏園鄭芝潤三首

伊軋肩輿一路長
上方花木舊年光
會心不在離羣地
努力同登選佛場
如此良辰寧不樂
從來名士或稱狂
琳宮仍作蘭亭約
筆陣詩篇摠妙香

漫與詩篇值幾文
負他花鳥自羣羣
禪家氣味叅三昧
我輩心情近十分
今夕論談只風月
此中供養足烟雲
不成爛醉旋歸去
終古山王異五君

閒人似我兩人稀
來款承天白板扉
泥爪偶留緣業在
風幡相動語言微
醉扶一路斜巾角
詩瘦三春減

帶圍做得神仙知不易玉堂明日又朝衣

訪韋史

經邱尋壑覓殘春一曲烟雲照眼新垂柳當門維我
馬披帷入室見其人弟兄元愷逍遙日宰相山林自
在身藉草名園渾忘久飛花不妨滿衣巾

純元王后挽章五首

彤管煌煌五紀垂十年前後再簾帷諱音一夕傳朝
野雨泣蒼生自不知

愛物仁民儘至衷八埏都在煦濡中矧今杞國天無
恙揔是媯皇鍊補功

謙柔長得享天心中履艱危化更深若比宣仁勤宋
室合將堯舜讓如今

鑾仗迢迢妙積天祔防遺志已灑遷千官執紼南郊
路風雪寒於鶴語年

臣敢編修狀德文墨池哀淚和三分千秋不必須班
馬舜行堯言自典墳

坡州圓閣夜雨有感

非關夜雨不成眠聽到鷄聲喔喔天世事如經龍漢
後花枝依舊鳳山前天官今日堪何術宣室當時最
少年報答此生猶有地角巾東里早歸田

朴淵瀑

源頭幾處細流安忽見垂虹壁上團界破青山千丈
色倒傾銀漢九霄寒文章敢詡回狂易仕宦逾知退
急難萬斛珠璣投向我遊人只作瀑泉看

臨津途中

遊人一簇夕陽時倦馬癰筇任速遲村酒堪憐出頭
色野花偏有賞心枝此行十日連遭霽同伴無人不
作詩選勝歸來題品別彩霞飛瀑各留期

傳硯詩和潁樵金太史

炳學

文忠文憲兩家聲二百年來垂大名奕葉儒門傳宿

學菲材詞苑忝同盟清朝謬許雕蟲技此日深慚附
驥榮一片紫雲徵故事借將墨藩小詩成

狎鷗亭與尹瑗銷暑閒課五首

此地名聲擅中州隨閒來憩廿年秋夙緣便似三生
石豪氣多孤百尺樓宦跡幾時羞仗馬歸心今日證
沙鷗清朝進退無相迫辛苦何須范蠡舟

半世交人詎自輕終看神劒合延平嗟余已老無長
物對爾方知畏後生勝境不妨重理屐名場端合早
推枰愛山成癖緣詩瘦我輩元來近性情

翳然林木足清涼畫藁詩鈔摠入量此地最宜來飲

三才遺稿 卷二
水初心原不在持梁知音山水人難得過眼烟雲事
易忘賴爾豔才真絕俗殘年偏喜墨緣長

烟波十日滌塵煩未老投閒感主恩綠樹重陰藏
谷口斜陽著意照江村文章鳴國何能詡絲竹陶情
不厭喧漸覺四隣無棄我樵兄漁弟日敲門

烟霞供養可延年晚向林泉結淨緣沽酒船歸青草
外釣魚人立白鷗前閒愁永日真無奈舊夢勾天尙
宛然一曲鑑湖非遜世此中宜著玉堂仙

池荷爲雨所敗戲賦一絕

强鑿方塘小似盂夜來猶得弄明珠西風莫送連朝

雨未綻荷花色欲渝

丁上舍子園見訪於南漢山城喜賦一詩

未脫烏紗愧白頭故人淮海尙高樓下車先問無雙士
解榻初逢第一流遂學當年論冽水高人自古傳
南州楊湖他日徵前句一路秋風賦去休

偶懷

清時有味是無能杜牧詩中久已徵隻字不曾藏腹
裏閒愁那得上眉稜一生海嶽懷司馬幾度秋風讓
季鷹何日東湖湖上屋鷺盟鷗約好相仍

遊漢北晚飯重興寺仍向興國寺投宿韋史申

尚書載酒踵至相與欣然共賦二首

十里楓林遠躡蹤終朝行盡幾重峰山門要遣閒心
事空谷那期此過從勾斷其誰堪一筆輪囷宜子瀉
千鍾看山休笑怱怱甚這箇廬山亦假容

茲遊稍可慰殘年佳話承天自古傳躡跡雲厓同歷
井論心禪榻是歸田腔腸無奈難隨俗骨相何曾不
做仙吾輩晚逃寬此地一毛孔裏納三千

清潭

在興國寺北十里
許水石清潺可愛

一宿禪房萬念清又携筇屐後先行峰回路絕孤村
盡石白潭澄一壑平且喜湫喧非市陌懸知蘊藉勝

山城縱無濟勝渾忘倦每到青山病脚輕

追寄韋史

回憶禪局共臥雲一樓晨磬兩床聞豈真悟道關微
笑竟是知音在竊欣根器愧余非上等慧才如子卽
全分腴中實理無人解莫把高論也駭羣

余愛菊每於花時藏之小屋使底風霜花以是

久住戲賦

護花全借屋三椽日夕相看几案前縱耐荒寒寧任
置每當遲暮最爲憐不妨美玉藏深櫝好住殘香殿
一年何事往時陶處士等閒拋却破籬邊

三才遺集 卷二
疊前韻贈尹瑗要和四首

秋生詩筆大如椽糠粃顧余慙在前
照水彩鸞知自愛凌霄仙鶴畏人憐
溪山成癖同遺世翰墨論交不計年
共向空門修慧業一樽更對菊花邊

棲遲自足數間椽未向王盧較後前
爾是良工還獨苦我無同病鮮相憐
書聲燈火青熒夜菊影光陰寂寞年
賴有深交肝膽照悲歌狂態不修邊

五夜胡爲仰屋椽料來百事揔非前
閒愁耿耿云誰思短髮蕭蕭也自憐
阮籍多情泣歧路謝公無計慰中年
會心人在知何處祇是詩邊與酒邊

校巷西偏寄尺椽閉門覓句菊花前素心一佛非求
福白眼看人便乞憐自古繁華知幾日至今小草悔
當年歸期晚晚時將暮春峽烟霞入望邊

余於春川
室雲里有

小庄
故云

古楂梅

背似穹龜腹似鮐滿枝葦菌滿枝苔梅花近日稱楂
古擁腫還爲不世材

敬賀內舅荷屋金相公晬辰

北堂今日悅慈情舅氏生辰

賜宴榮

命宣醞
賜二等樂

百

歲常餘爲善樂一心不忘愛

君誠黃封氣與需雲

暖翠管聲通極宿明小雅臺萊賢在位吾 王萬壽

頌治平

次外從思頴金尚書

炳冀

樊野詩韻

福地何須問紫陽此心安處歲年長親朋畢至當今
彥花木真成積久香令聞一時焉事室高功百辟好
居鄉家强身泰由仁術佇看雲仍永保光

喜頴樵金太史見訪於洛下

歲暮蕭蕭駱下村讀書飲水掩松門小窓昨夜生燈
纈深巷今朝見轍痕絲竹何如談款款茅柴不妨醉
昏昏襄陽自是無佳友未免親疎以病論

黃史閔待制

奎鎬

見過問疾

咫尺塵寰隔數林
四圍山色一樓沉
鳥聲瑣屑春來信
梅影婆娑歲暮心
多病轉知交誼篤
休官更覺主恩深
相看脉脉靈犀照
勝契從前言外尋

賴樵太史再來問疾

林間把臂最風流
更喜山家事事幽
自是會心非遠地
縱然淹病臥高樓
無錢尚可連宵買
有酒何妨十日留
一切閉門君莫怪
小亭吾已號三休

敬呈季舅荷屋金相公

歸歸靈光仰獨存
綸扉物望六星尊
一身富貴能長

守百辟勲功在不煩敢詡文章歸阿士愧將名位擬
陽元春來拜獻看花法不到離披是妙門

贈珠船卞元圭佐辨誣奏使之行五首

麗句清辭美少年貌如玉樹字珠船君家舊業行人
職慣誦葩經三百篇

鰈魚小域海之隈齷齪無人解愛才髣髴當時千里
馬好將高價向燕臺

磊落羣英滿帝都春風傾盖好逢迎老僮屈指歸來
日刮目要看呂子明

沉名宦海愧吾身圈鹿欄牛五十春縱有閉門車獨

造爭知必合考工輪

合甫融來蔓舶輕昆明又見劫灰生誰識有人東海
外屋頭夜夜望階平

東郭聯吟集三十二首

并序

壬戌秋余患失血其臘月爲飲水移寓於駱山
下石澗亭尹瑗在傍檢藥餌事安生順之又來
住問疾皆善詩者也病懷岑寂無聊太甚遂相
與唱和以爲消遣之資是無題之作漫與之吟
也及翌春三月始歸茗泉本第其間所賦七律
各爲三十韻編之曰東郭聯吟集荆田順之之
字秋生瑗之字也圭齋病僮書

漫與

數椽新築萬松中自愛清幽勝梵宮屋後有山同謝

氏墻東避世似王公待年休仕非成例因病求仙是
捷工最喜梨花亭畔水春來金屑見微紅

支離一病臥三冬半是呻吟半是慵爲息交遊先鬻
馬未消結習尙雕龍春風莫變潘生鬢薄酒難平阮
老胷不出從今非止四更無舉措校看封

愛汝清才世少雙指頭雖瘦筆如杠千金駿骨雖能
買百斛龍文爾自扛老去顛狂餘舊態春來詩律有
新腔此間寥寂真堪樂藿逕何人漫喜登

居然泉石久棲遲碁局詩囊也自隨才似江郎還錦
日病如天女散花時已無家累縈心緒未報 君恩

奈鬢絲鴈去鳬來應任置此身何處不便宜

閒愁萬斛減腰圍閉戶尋常束帶稀舊雨不來今雨
去山花纔發野花飛共留此地償春色又臥旗亭送
夕暉病起詩腸多槁澀且斟斗酒聽金衣

林園春盡綠陰圍病起三旬把酒稀苦竹數叢穿石
出落花一片向人飛中來憂思如明月老去心情感
暮暉潁上有家歸未得東風又曬碧蘿衣

青山多處賦閒居肯向風塵又曳裾不飲常謀三斗
酒長貧猶買五車書後生嘲笑聽姑妄早歲聲名愧
子虛病起十旬開戶視四隣花事尙多餘

三才遺集 卷二
官未長休病未蘇
鷗夷日日夢江湖
誰憐剛肺緣詩瘦
自笑衰顏借酒敷
月色非徒今夜有
我吟不可此間無
想來三十年前志
贏得星星鏡裏鬚

世情閱盡手高低
尙戀長安笑向西
只恐移文山北到
任他評語汝南題
吟詩不惜腰圍弱
讀字渾忘眼力迷
老子婆娑猶未去
古之人亦與吾齊

山家春入境全佳
興往情來未有涯
囊底一錢免羞態
杯中長物抵愁懷
人生行樂當隨意
聖代無憂合乞骸
俗子定知難再到
桃花兩岸已安排
鬱鬱愁懷苦不開
尋春又向此中來
讀書已過五千

卷有酒須傾三百杯
今世誰能惜同病
古人奴亦愛
奇才平生一飯難
忘志寸草心情尙未灰

比來一病作閒人
短髮蕭蕭復照春
酌酒相看非少

日圍燈細話似前塵
宦遊面目還添惡
老去詩篇尙

鬪新雲峽尋真將與子
半擔收拾舊衣巾

與順之有卜居之約

玉麈清談似舊聞
小窓燈火細論文
綠榆已過連朝雨
紅杏初成滿塢雲
詩境轉深禪十地
宦情忽減病三分
閒愁日日緣誰遣
賴有風流麴使君

曾將小技廁文園
濫竊平生愧鶴軒
知足終來裨世道
愛身原是答君恩
詩篇老境渾成癖
絲竹中年

不厭喧出處優游還自得幾人能似漫郎元

老去逾知立脚難居原不易况長安玄談近日歸依
佛白髮先朝侍從官飲水肝腸無內熱讀書骨相
有奇寒親朋幾箇餘同志病裏相思夢裏看

萬慮紛紛一病刪分明八種摠堪還了他家累那時
足到底君恩未老閒白髮風塵歸故里蒼生物望
讓東山算來百事成何事更嚼蔬根有愧顏

一院松濤鬧急泉聽來枕上屋如船病餘消遣惟貪
句老去幾微是減眠處世不夷還不惠有人非佛亦
非仙休官點檢平生事未必全非五十年

樽酒詩篇永晝宵弟兄投老合逍遙詞章才乏東西
陸湖海名留大小蕭抱技自憐心獨苦知音誰惜尾
全焦從來真隱如非隱咫尺金門不費招

石鼎風爐煮碗巢棲遲東郭數椽茅人情最戀多過
境世態無關有舊交酩酊不妨兒輩笑頽唐一任後
生嘲春來日日閒中事點檢楊枝與杏梢

詩樽非復舊時豪禪榻茶烟颺鬢毛黽勉捧心宜見
醜斟量索價尙嫌高避塵無奈頻遮扇成佛須要暫
擲刀一壑經營雖費思閒勞終看勝賢勞

花腮柳眼問如何廿四番風次第過名士不曾皆痛

三才通義卷二
飲高人時或有悲歌春纔上已繁華減詩到中年趣味多病起心情同懣悔愛河慾海更無波

橐駝峰下是吾家一股清溪谷口斜雲裏朱薨公子宅日邊紅杏 閔宮花四山排闥青嵐送數柳當門綠影遮硯北琴南無不適暮年滋味向君誇

又愧衰顏對豔陽春愁如草不禁長龍頭美號知難副龜手良方用未當放倒一生甘束閣錯過幾度悔逢場感恩旣足兼知己十載藏心詎敢忘

負手西亭送夕陽商量往事說還長圖中索驥何能合局外論人未必當歸計神仙終拔宅名心傀儡已

收場聰明識字偏多累不妨徐陵近病忘

一樓寥寂不勝清藻荇空階影縱橫好向山中稱宰
相偶來洛下詠書生宦遊自是違初志病起何須改
舊名老去江郎才亦盡楚南多愧早揚聲

寂寞城東一草亭滿床花史與茶經笑余兩耳公然
白對子雙眸別樣青千載論交肝膽照一言相感肺
心銘紛紛市鬧時來聒更覺無傷是重聽

早將文字漫鏤冰結習于今謝未能一見無人堪白
璧平生有味是青燈高官鼻厭醃三斗大雅腸容酒
幾升冠珮解來身不絆困眠從此可橫肱

矮檐從此免低頭五鳳欣成阿弟樓
細雨微風堪不出冷茶澹飯飽能休
元龍豪士宜高臥司馬長卿故倦遊
青山四面無遮掩爽氣朝朝笏外收

僅時幾箇是知音舊雨來人又重尋
嗟我心情非轉石愛君風味似渾金
繡衣弊弊猶行夜白髮蕭蕭始惜陰
爐香燈影如疇昔洗盞何妨復一斟

燈深夜屋盡情談擊節聲高酒正酣
綺語爾宜題漢上倦遊吾欲唱江南
原知情懶還無匹自古癡情備絕三
老去詞章儉俗尙大爲人好大爲慙

懶性從來厭巧纖復緣風月罪科添
長身戍削時量

臂滿臉于思又號髯偶弄宮商歌白雪羞將脂粉畫
無鹽聰明用盡頭顱減鏡裏空看古弼尖

一味儒冠苦且鹹幾九熊膽舊書函醉吟自是先生
號耐辱端宜退士銜五嶽尋真將納履十年遊宦久
穿衫人生知遇誠難事妙絕終非識阮咸

又與順之秋生同賦三首

四隣綠樹晝陰遲葵扇桃笙好趁期白髮同憐名下
士烏雲相和夢中詩春歸折柳三聲後月到停杯一
問時漱石枕流無不可此間滋味畏人知

淹留是處故遲遲爲趁番風廿四期客到金貂頻換

酒春歸花鳥急催詩青山捫蝨宜今日白眼看人悔
少時飢飯困眠從此往來頭不待老龜知

若爲見事太遲遲歸計菟裘尙未期涉世妙方寧斷
酒生天佛偈揔宜詩卜居兄弟逍遙地告退君臣眷
戀時可笑王郎癡絕甚自知不及老劉知

病中無寐戲作失眠詩五首

殘燈夜夜聽鷄聲坐到東窓曙色生讀字何煩咀熊
膽叅禪不待戒鰥睛紫芝眉宇人難見春草池塘句
未成暗喜更無還錦暇江郎雖老尙才名

兀兀窮年厭幾時鐘鳴漏盡更何爲槐根使者無消

息蝴蝶莊生久別離舉世獨醒非所願至人不夢未
嘗期從來得句稱三上怪我偏多枕上詩

挑盡殘燈燒盡香春宵只爲一人長敢當高士床還
弊自是書生枕不方奇效誰言炒酸棗名心已悟熟
黃粱比來著作無佳話欲滌塵腸恐未遑

坐忘還非入定禪千般計較一燈邊十千易得庚申
夜八翼難登尺五天聽盡商君良久語讀過通鑑許
多編餘生不妨長如此七十年爲百卅年

自笑解醒三十秋至今煩惱尙難休拭眸苦海看那
事退步恬鄉又拙謀已識惺惺非正覺不知耿耿有

三才圖會卷二
何憂夕加夜甚聰明疾一味朦朧羨夏侯

自駱山還第戲賦一律未就使秋生足成之

尋芳十日遍城東歸見春光滿屋中
藤蘂已抽鷹爪綠牧丹初發馬肝紅

吟成飛絮無多點寫盡脩

篁幾許叢便擬從今牢閉戶不愁伏雨與闌風

偶吟

閉戶呻吟問幾時經年一病太支離
婆娑老態雖難贖磨泐餘軀尙不貲
茶有党家全昧味詩多江社所無奇
尪羸未見清狂減自笑王郎到底癡

送春同順之秋生

病裏逢春百感生春今且去若爲情雨絲風片相終
始絮業花緣各重輕極日斜陽愁野馬離歌一曲聽
山鶯林園如畫雖依舊沒骨黃筌減價聲

赴潁漁金尚書

炳國

招飲

芳隣風物未全非爲趁招邀試夏衣緩步自携藜杖
至豪情猶當羽觴飛梁園詞賦曾相阻蔣逕過從始
不違健筆逢君春以後高吟盡日却忘歸

卽景

烏雲數朶壓檐過一陣風吹雨脚斜蓮葉田田梧葉
大不知何葉得聲多

逸句

何處黃昏相踏草今年寒食未看花
蓮房露重秋香濕竹葉風微曉響乾
聞君詞翰頭傾地論世交情手覆雲
一杯水亦分流意萬朵雲皆不住端
曉聽風雨急西欄欲綻花枝更怕寒
夕陽隨匹馬秋色載孤舟
壁留大士西來像碑沒興王北狩文
獻佛以心明似月出山之意懶於雲
百里山川非我事二年風雪念君寒
廷尉門庭賓客散平泉花木子孫賢









